

ret, & à quo in regiam possessionem tranfactio-
nibus jam recidit. Iuxta, nec memorare piget,
vena est terræ figuraris ad vascula illa conficien-
da quibus auro conflando utuntur aurifices lau-
data, & ideo carius divendita.

*Vandalis rivulus limpidus, & trutarum optima-
rum admodum fecundus haud procul hinc ad
Cashalton ebullit, qui Morden præterfluens ad Oc-
cidentalem ripam loco feracissimo Merton sub-
luit, Saxonice Wepedune, olim Kenulphi West-
saxonum Regis fato insigne, qui in meretriculæ,
quam hic deperibat, tuguriolo à Kinehardo
Clitone interfectus erat, ipseque Clito à Kenul-
phi amicis confossus, perfidiæ poenas statim luit.
Nunc monasterii quod Rex Henricus Primus
procurante Gilberto Vicecomite Surriæ con-
struxit rudera solummodo ostendit, quod Co-
mitis sub Henrico III fuit celeberrimum.*

Vandalis
fl.

Morton.

1117.

Croydon.

Deinde Vandalis augetur ab ortu fluviolo qui
fontes habet ad *Croydon*, olim *Cradiden*, quod sub
collibus situm Archiepiscoporum Cantuariensium
palatio, ad quos longo jam tempore spectavit,
& carbonibus, quorum mercaturam exercent
incolæ, notissimum est. Referunt incolæ domum
quondam fuisse Regiam in occidentali oppidi
parte prope *Haling*, ubi rudera subinde à colonis
eruantur, quam postea Archiepiscopi dono à
Rege acceptam transtulerunt ad suum propius
rivulum palatium. Iuxta quod Reverendissimus
in Christo pater D. Ioannes *Whitgift* laudatissi-
mæ memoriæ Archiepiscopus Cantuariensis Ho-
spitale perpulchrum ad sublevandos pauperes, &
scholam ad promovendas bonas literas pio ani-
mi affectu posuit, & dotavit. Torrentem vero

The Bour-
ne.Beddin-
gton.

illum quem hic nonnunquam exsurgere, nescio
quo præfagio difficultatis annonæ, vel pestilen-
tiæ perhibet vulgus, non operæ pretium videri
possit vel verbo memorare, cum tamen non om-
nino fide caruerit. Hinc vicinum est *Beddington*,
in quo ædes præcellenti ædificiorum elegantia,
& amœnissima hortorum specie conspicuuntur,
quas Franciscus *Carew* equestri dignitate clarus
nuper construxit. Sedes enim antiqua est *Care-
worum*, qui à Nicolao Barone *Carew* de *Moules-
ford* oriundi (à quo etiam sunt *Carew* Devonien-
ses) longo tempore hoc in agro floruerunt: ma-
xime vero ex quo I. *Carew* filiam, & hæredum al-
teram nobilissimi Baronis *Hod* sibi matrimonio
conjunxerit. *Vibbandune*, nunc vulgo *Wimbledon*
ad alteram ripam fluminis Vandalis sedet, ubi
cum nimia fœlicitas civiles furores inter Anglo-
Saxones peperisset, Britannico bello jam sopito,
Ethelbertus Rex Cantii in suos gentiles primum
classicum civile cecinit: sed Ceaulinus Occiden-
tali Saxonum Rex, ingenti illum strage hoc in
loco fœliciter fudit: interfectis ducibus *Oslano* &
Cnebeno, à quo forte *Bensburie* pro *Cnebensburie*
vallum illud militare dicitur, quod orbiculari for-
ma hic vidimus. Nunc vero maximum huic loco
ornamentum sunt ædes structura speciosæ, pro-
spectu & hortis amœnissimæ, quas anno M D
LXXXVIII cum Hispanica classis Angliæ immi-
neret, Thomas Cecilius Eques auratus pruden-
tissimi illius Baronis *Burghlæi* filius extruxit.

Woodco-
te.

Duobus hinc ad Austrum milliariibus, in collis
edito nemusculum est, *Woodcote* hodie vocant, in
Britannia.

quo modicæ urbis manifesta visuntur vestigia,
& fontes plures è silicium fragmentis constructi,
plurimaque de ejus frequentia, & opulentia, pa-
triorumque numero commemorant vicini.
Hæc, ut mea fert opinio, urbs illa fuit, quæ Pto-
lemæo *NOVIOMAGVS*, Antonino *NOVIOMA-
GVS*: nec aliunde argumentum petatur, quam
à distantia ratione. Decem enim à Londino mil-
liariibus, XVII à Vagmiacis, ut annotat Itinera-
rium vetus, abest. Pluribus igitur parasangis
aberrarunt illi, qui vel ad *Buckingham*, vel *Guildford*
Noviomagum statuerunt. *REGNORVM* hæc
præcipua fuit civitas, Marinoque Tyrio vetustis-
simo Geographo nota, quem Ptolemæus, cum
Censorem induisset, taxat, quod Noviomagum
Britanniæ, Londino per climata Borealiorem,
& per Itinerariam rationem Australiorem collo-
carit.

Novio-
magus.

Ad Tamisim post Vandalis ostium, ubi oppi-
dulum *VVandleworth* inde denominatum sedet,
Batersey est viculus, olim Saxonice *Patryk-
ea* & Latine *Patricii insula*: & quas nunc quærimus ædes
Regiæ *Kennington* dictæ, quo Reges Angliæ olim
secedere soliti, sed nunc nec nomen, nec rudera
invenimus. Inde *Lambith* five *Lomebith*, id est *sta-
tio five portus luteus*, Canuti Fortis Anglorum regis
morte olim celebris, qui ibi inter pocula animam
eructavit. Ille enim totus in comestationibus &
conviviis agendis *Prandia regalia*, ut habet Henr.
Huntingdonensis, *quatuor in die vicibus omni Curia
sua fecit apponi: malens à vocatis opposita fercula dimit-
ti, quam à non vocatis apponenda fercula reposci*. Nunc
vero locus celebrior est Archiepiscoporum Can-
tuariensium palatio. Circa annum enim Christi
1183, Baldwinus Archiepiscopus Cantuariensis,
facta cum Rossensi Episcopo permutatione, præ-
dium hoc in loco acquisivit, in quo palatium si-
bi, & successoribus inchoavit, quod illi paulatim
adauxerunt. Qui cum ecclesiolam collegiatam
hic etiam molirentur, Deus bone, quot Romam
à Cantuariensibus Monachis advolarunt appel-
lationes, quot inde fulmina, minæ, & censuræ à
Romano Pontifice in Archiepiscopos emissa? Male enim
metuerunt illi Monachi ne fundi sui foret calamitas, & in
Archiepiscoporum electionibus, illis præjudicaret. Nec
sedatæ fuerunt hæc tempestates, donec inchoata eccle-
siola instantibus Monachis, solo adæquaretur. Huic
contiguum est celeberrimum hujus agri emporium,
quod hodie vocant *The Bourrough of Southworke*,
Saxonice *duðperke*, id est, *Opus five adificium australe*,
quod è regione Londini ad austrum situm ha-
beat, cujus quodammodo suburbium videatur:
sed adeo amplum, & frequens, ut non multis An-
gliæ urbibus concedat, sui quasi juris, suos Bal-
livos patrum memoria habuit, sed Edwardo VI
regnante civitati Londino adnexum, ejus quasi
membrum hodie dignoscitur. Et proinde cum
Londinum pervenerimus, de hoc plenius dice-
mus.

Kennin-
gton.

Lambith.

Southwor-
ke.

Sub hoc Tamisim Surriam relinquit, cujus ori-
entalis limes hinc recta in austrum descendit
prope *Lagham* quæ suos Barones Parlama-
ntarios, dictos *S. John de Lagham* regnante Edwar-
do Primo habuit, quorum hæreditas tandem
ad I. *Leodiard* per filiam & hæredem devenit. In-
ferius

Barones
Sancti John
de Lagham.